



Partisipante sira Visita Plantasaun Kinur iha Aldeia Holihut Ne'ebe Hetan Apoiu husi Membru Grupu LANAMONA.

Munisípiu Bobonaro Sai Hanesan Ezemplu Sosiedade Proativu ba Atividade negósiu no Buka Moris

Programa suku vizita malu ba retornu ekonomia basiku/PREB Pilotu ne'e hanesan aktividade estudus komparativu ne'ebe hala'o iha suku. aktividade ne'e nudar dalan ida ne'ebé Sekretariadu Tekniku Programa Nasional Dezenvolvimentu Suku ho apoiu fundu husi FDCH no suporta husi parseirus hanesan CARDNO hodi fasilita comunidade no Ekipa Jestaun Suku, Chefe Suku, Chefe Aldeia no Extensionista/ PPL entre suku ida ho suku seluk hodi fahe esperensia no istoria sucesu ba malu kona-ba implementasaun atividade negósiu ka buka moris iha Munisipiu Bobonaro.

Objetivu husi vizita ba retornu ekonomia basiku/PREB pilotu ne'e partisipa maka atu observa no aprende lisaun foun husi grupu sira iha Munisípiu Bobonaro liu-liu seitor agrikultura nebe iha ona esperensia ba implementasaun agrikultura modernu iha sira nia natar no to'os.

Suku ne'ebé sai tarjetu ba vizita ne'e mak suku Ritabou, Suku Raifou no Suku Lahomea hanesan :

1. Visita plantasaun Kinur iha aldeia aldeia Holihut ne'ebe hetan apoiu husi membru grupu LANAMONA
2. Visita natar ho Pratika Agrikultura Diak (PAD) plantasaun husi Assosiasaun Habarak Fini husi MAP/PPL,
3. Visita grupu comunidade ne'ebe kuda modo, uja be'e foer modelu Sabi matan (Key Hole) ne'ebe apoia husi NGO Mercy Corps,
4. Vizita hakiak karau (Sapi Paron) apoiu husi MAP no oinsá no hare karau nia hahán iha aldeia Utedai.
5. Visita mos piloto natar ne'ebe kuda hare sai fos mean iha suku Lahomea,
6. Visita ikus mak ba hare hakiak ikan iha suku Ritabou area Colegio Postu Administrativu Maliana no halo diskusaun konaba processu tomak hakiak ikan nia ho Sr. Armindo bele suksesu implementa modelu hakiak ikan individual para bele sustenta nia familia. Partisipante sira interese tebes ho experensia ne'ebe Sr. Armindo fahe. Kolam ikan ne'ebe ezisti hamutuk fatin 16 ho variasaun ikan hanesan ikan Nila, ikan Mujair no ikan Lele Zumbo.

Komunidade Suku Vaviquinia, Lalawa no Laubuno, Sente Kontenti ho Fasilitasaun Husi Ekipa PNDS Nasional Konaba Metode Metaplan Ne'ebé Hala'o Iha Sira Suku

Atu kordena diak liu tan servisu to iha baze kona-ba Implementasaun Programa PNDS Sekretariadu Tékniku Programa Nasional Dezenvolvimentu Suku (ST-PNDS) implementa atividade pilotu kona-ba METAPLAN ne'ebé hala'o iha suku 3 hanesann Suku Vaviquinia, Suku Lalawa no Suku Laubuno durante semana.

Objetivu husi atividade METAPLAN ne'e atu identifika no fasilita comunidade sira hodi hamosu idea no hanoin hodi bele hadia sira nia moris liu husi produktu potenciál iha sira nia suku ne'ebé iha relasaun ho projeitu infraestrutura báziku ne'ebé PNDS estabelese tiha ona.

Suku ne'ebé sai targetu pilotu ba atividade METAPLAN mak suku Vaviquinia iha Postu Administartivu Maubara, Munisípiu Liquisa, Suku Lalawa, Posto Administartivu Tilomar, Munisípiu Covalima no Suku Laubuno, Posto Administrativu Atsabe, Munisípiu Ermera.

PNDS

Hamutuk Ita
Dezenvolve Nasaun

Marsu 2018

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Projeitu ba Kada Seitor iha Nivel Nasional

Faze I Siklu 2



Faze II Siklu 2



Sekretariadu Tekniku Programa Nasional Dezenvolvimentu Suku Hala'o Workshop Kona-ba Mata Dalan (GUIA) Implementasaun Jéneru no Inkluziun Sosial iha Siklu PNDS

Programa Nasional Dezenvolvimentu Suku (PNDS) nudar Programa Governu, ne'ebe tau Jéneru no Inkluziun Sosial (JIS) hanesan prinsipiu importante ida iha implementasaun Programa PNDS iha terreno tanba atu garante partisipasaun ema hotu (Feto, Mane no Ema Deficiente) iha implementasaun PNDS ne'ebé tuir dezeñu PNDS nian, estipula ona iha manual implementasaun Programa PNDS nian, minimu 40% husi feto tengke participa iha Ekpa Jestaun Suku (EJS) no hetan benefisiu husi Programa PNDS ne'e rasik.

Objetivu husi workshop kona-ba Mata Dalan (GUIA) Implementasaun Jéneru no Inkluziun Sosial iha Siklu PNDS ne'e atu rona hamutuk no explora kle'an liu tan hanoin no esperensia ruma husi pontu fokal Jéneru no Inkluziun Sosial, Ekpa Jestaun Suku feto no ema difisiente sira atu bele inklui iha Planu Asaun Annual Jéneru no Inkluziun Sosial tinan 2018-2019 nian.

Dulce Guterres, nudar Diretora Nasional Programa PNDS ne'ebé participa iha workshop ne'e hatete katak ida ne'e diak tebes ba maluk pontu fokal Jéneru no Inkluziun Sosial, Ekpa Jestaun Suku feto no mane ho ema difisiente sira bele rona hamutuk no explora klean liu tan hanoin no informasaun husi istória diak para bele motiva maluk Pontu fokal jéneru no inkluziun sosial, Ekpa Jestaun Suku feto no mane ho ema difisiente sira hodi hasa'e sira nia kapasidade no enkoraja sira involve an nafatin no participa barak liu tan iha prosesu tomak hodi bele hadi'a diak liu tan implementasaun Programa PNDS iha nivel aldeia no suku.



Progresu Fisiku Projeitu Uma Oficial Polisia Suku (OPS) to'o iha Fulan Marsu 2018 Atinji 62,30%

Konstrusaun projeitu pilotu uma Oficial Polisia Suku ne'ebé hetan apoiu orsamentu husi governo Nova Zelandia to'o iha fulan Marsu 2018 atinji ona 62,30%.

Tuir rezultadu monitorizasaun tékniku sira iha terreno nota katak progresu implementasaun projeitu uma OPS ba suku 14 besik finaliza ona nia kontruksaun. Rejultadu progresu fisiku nee bele nota husi Munisipiu Bobonaro ne'ebé lokalizadu iha suku Batugade, Postu Balibo no OPS husi Munisipiu Dili ne'ebé lokalizadu iha Suku Duyung Postu Metinaru, inklui OPS suku Uma Caduak Postu Laklubar husi Munisipiu Manatuto, husi suku tolu nee progresu fisiku atinji ona pursentu 91% ate 97%. Suku tolu nee remata ona monta kakuluk, plafon no ajulezu no oras nee kontinua ho serbisu ikus monta odamatan inklui zanela no prepara mobiliarius uma laran hanesan meza, kadeira, armari no seluk tan.

Husi monitorizasaun iha terreno nota mos katak progresu OPS husi Suku seluk ne'ebé tuir tan sei finaliza iha tempu badak mak OPS suku Betano, Munisipiu Manufahi, OPS suku Ogues Munisipiu Covalima no OPS Aileu suku Selo Craik inklui OPS suku Estadu Munisipiu Ermera.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl